

Bosna i Hercegovina
Federacija Bosne i Hercegovine
Tuzlanski kanton

OPĆINSKI SUD U TUZLI

Broj: 032-0-Su-26-000 319
Tuzla, 07.05.2026. godine

**Bosna i Hercegovina
Federacija bosne i Hercegovine
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar
Ul. Hamdije Kreševljakovića br. 3
71000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 11-05-2026			
Org. jed	Broj	Prijava	Vrijednost
05/1	-02-	180	/26

PREDMET: Informacija, dostavlja se
Veza broj: 05/1-02-180/26 od 30.03.2026. godine

Poštovani,

ovaj sud je dana 03.04.2026. godine zaprimio Vaš akt, broj i datum kao u vezi, kojim tražite da Vam ovaj sud u skladu sa članom 116. stav 3. Poslovnika Zastupničkog doma Parlamenta Federacije BiH, dostavi informaciju, odnosno odgovor na zastupničko pitanje, u kojoj je fazi postupak eksproprijacije parcela, a u vezi dogradnje ceste M4 (Tuzla – Doboj) na dionici Drežnik – petlja Šićki Brod – izgradnja kružne raskrsnice Šićki Brod, te da li su prekršeni rokovi u vezi eksproprijacije, da li se predmet veže za Općinski sud u Tuzli.

U vezi sa navedenim, obavještavamo Vas, a prema navodima predsjednika Vanparničnog odjeljenja ovog suda da u pogledu upita u kojoj su fazi postupci eksproprijacije parcela, a u svrhu dogradnje ceste M4 (Tuzla-Doboj) na dionici Drežnik-petlja Šićki Brod – izgradnja kružne raskrsnice Šićki Brod, te da li su prekršeni rokovi u vezi eksproprijacije, cjelovit odgovor možete dobiti od strane Službe za geodetske i imovinsko-pravne poslove Grada Tuzla.

Naime, navedena služba, a po zahtjevu korisnika eksproprijacije u konkretnom slučaju JP Ceste Federacije BiH, i donosi rješenja kojim se usvajaju prijedlozi za potpunu eksproprijaciju nekretnina, te provodi upravni postupak za zaključenje sporazuma o naknadi za ekspropriisanu zemljišnu parcelu.

Koliko je zaključenih sporazuma o naknadi za ekspropriisane nekretnine pred organom uprave, ovaj sud nema podataka, obzirom na činjenicu da je navedeno u isključivom mandatu/nadležnosti Službe za geodetske i imovinsko-pravne poslove Grada Tuzla.

Izuzetno u situacijama, kada pred organom uprave nije postignut sporazum o naknadi za ekspropriisanu nekretninu između korisnika eksproprijacije i ranijeg vlasnika, takvi zahtjevi se dostavljaju na sudsko odlučivanje.


Do sada je Općinski sud u Tuzli zaprimio zahtjeve i formirao 7 (sedam) predmeta radi utvrđivanja visine naknada na ime ekspropriisanih nekretnina, a koji se odnose na lokalitet za koji je i postavljen upit.

Od formiranih 7 (sedam) predmeta pred ovim sudom je okončano 6 (šest), dok se jedan predmet nalazi u fazi otvorenog predmeta, i u kojem će se u što kraćem roku okončati postupak.

S poštovanjem,

Dostavljeno:

1. Naslovu
2. Su – D.S.



V.d. Predsjednik suda

Mr. sci. Armina Sinanović